



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

LX. Markgraf Johann begünstigt die Stadt Tangermünde, weil sie an dem Aufstande der Stendalschen sich nicht betheilig hat, in Ansehung des Geleits auf der Elbe, am 12. April 1429.

Nutzungsbedingungen

[urn:nbn:de:hbz:466:1-54934](https://nbn-resolving.org/urn:nbn:de:hbz:466:1-54934)

uerstorff mit ubersten vnd nydersten gericht vnd dinsten fur funffhundert vnd sechs vnd sibenzig Rinische gulden auff einen widerkauff verkauffen mug; vnd wann wir nu sein fleissig bete vnd auch sein anliggend nod In darzcu dringend erkant vnd angefehen habenn; hirmmb haben wir des obgeschriben widerkouffs zcu vulozihen vnd zcu thun gegonnet, erlaubt vnd gevulbort; gonnen, erlaubenn vnd vulborten Im des auch, in crafft diecz briefs, doch vns, vnfern erben vnd nachkommen an vnfern vnd sunst einen itzlichen an seinen gerechtigkeiten vnschedlichenn, on geuerde. Zcu urkund geben wir diesen brieff mit vnferem anhangendenn Infigel uersigelt zu Tangermunde, am Sonnabund fur dem Sontag als man in der heiligen kirchen singet Judica in der uasten, nach cristi vnfers herren geburte virzeshundert iar vnd darnach in den achtvndzwenczighen iaren.

R. Dominus per se.

Nach dem Churm. Lehnscopialbuche XVI, fol. 66.

LX. Markgraf Johann begünstigt die Stadt Tangermünde, weil sie an dem Aufstande der Stendalschen sich nicht theiligt hat, in Ansehung des Geleits auf der Elbe, am 12. April 1429.

Wir Johans, von gots gnaden Marggraff zu Brandenburg vnd Burggraff zu Nuremberg, Bekennen fur vnfern lieben herrn vnd vater etc., wenn wir angefehen, erkant vnd betrachtet haben solch maniguelig trefflich vnd getrew Dinst, die die erfamen vnser lieben getrewen Burgermeister vnd Radmann vnser Statt Tangermunde vnserm lieben herrn vnd vater, vns vnd der herrschafft oft vnd dicke getrewiglichen vnd williglichen getan haben vnd nu noch furder in zukunfftigen zyten wol ton fullen vnd mugen, vnd auch nu sonderlichen fur andern in folicher zwitragt vnd vberfarung zwischen vns vnd den von Stendal auff dieczmal, die denn die von Stendal an vns vnd der herrschafft getan, dieselben Burgermeister, Radmann, Gewerke vnd gantzen gemein von tangermunde sich getrewiglichen an vns beweiset vnd ewiglichen bey vnserm lieben herrn vnd vater vnd bey vns vnd vnser erben, als bey iren rechten erbherrn zu bleiben, mit auffgereckten henden gefagt vnd gelobt haben; hirmmb haben wir In die besunder gnad getan vnd ton In die auch, in crafft diecz briefs also, das wir, vnser erben vnd nachkomen Marggrauen nu furbaßz mehr zu ewigen zyten, von gebung diecz briefs, kein gerste, die man von tanghermunde auffwart die elbe drey gantze meile weges vnd von tangermunde die elbe abe in dreie meilen weges schiffet, nicht geleiten fullen noch wollen, Es sey denn der von tangermunde guter wille vnd vulbort, ongeuerde. Des zu urkunde geben zu tangermunde, Am nehten Dinstag nach dem fontag, als man in der heiligen kirchen singet misericordias A. dom. MCDXXIX.

Nach dem Churmärk. Lehnscopialbuche.